



Anthon Frederiksen, Partii Naleraq

Meeqqanut inuusuttuaqqanullu isumaginninnikkut nakkutilliisarneq pillugu § 37 naapertorlugu apeqquteqaat nr. 50-mut akissuteqaat.

Asasara Anthon Frederiksen

Siullermik qujanaq kommunit isumaginninnikkut nakkutillivigineqartarnerat pillugu
apeqquteqaatigisannut.

Apeqqutinut akissuteqaatikka ataani atuarsinnaavatit.

25-02-2016
Sagsnr. 2016 - 3134
Akt ID. Nr. 2148360

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

1. Kommunini sorlerni, kommunit inunnik isumaginninnikkut inatsisinut naapertuutinnigsumik meeqqanik, inuusuttuaqqanik utoqqarnik alla- nillu isumaginninnikkut ikiortariaqartunik ikiorsiinngitsoortarsimane- rit Naalakkersuisunit nalunaarsorneqarsimappat ?

Isumaginninnikkut nakkutilliisarnerit piffissaq qanittoq tikillugu kommunini isumagin-
ninnikkut ingerlatsiviusut akornanni suliassat akoranni toqqartuisarnikkut misissuine-
rusarsimavoq. Tamnanna imatut paasineqassaaq, immikkoortuni assigiinngitsuni
suliassat ataasiakkaat toqqarlugit misissuisitsisoqartarsimasoq, taakkuli nakkutil-
liartortut angalanerminnut atatillugu aaqqiiviginiarneqartarsimasut.

2014-mi Qaasuitsup Kommuniani Qeqqata Kommunianilu isumaginninnikkut nak-
kutilliiartortitsisimanerni maluginiarneqarsimavoq, kommunit meeqqanut sumigin-
narneqarsimasunut ingerlatsinerminni periusersartagaat imak qarsupinneqar-
tigisarsimasut, tamanna pisortat sumiginnaannerisut annertuutut taaneqarsinnaaler-
simallutik. Taamatut suliassanik naammaginangitsumik isumaginninniartarsimane-
rit ukiut 7-t ingerlanerini maluginiarneqartarsimapput naallu kommunit inger-
latsiveqarfiinit ilisimaarineqaraluartut annertuumik sumiginnaasoqartarsimasoq,
soorluli aamma annersaasarnerit, atornerluisarnerit annertuumillu sumiginnaasarne-
rit nalunaarutigineqartarsimagaluartut, nalunaarutigineqartut ilungersunartuunerat
aallaavigalugu iliuuseqaateqapallannissaq pissusissamisoortussaagaluartoq
taamaasiortoqartarsimanani.

Isumaginninnikkut nakkutilliisarnerit ilutigalugit Isumaginninnermut Naalak-
kersuisoqarfiup 2014-ip ingerlanerani angalaqatigiittartut kommunini angalatin-
neqarnerannut atatillugu tamatumuunilu meeqqat angerlarsimaffiup avataannut
inissinneqartartut pillugit pissutsit qanoq innerinik paasiniaatillugillu ilumut inatsisit
naapertorlugit pineqartut siumut pilersarusiuuneqartarnerisut paasiniaavigisimavai.
Tamatumanilu aamma paasineqarsimalluni suliassat kinguaattooqaffiusorujussuullu-
tik inissisimasut.

Qulaani taaneqartut imatut paasineqassapput, kommunit pinngitsoqaratik assigiinnigitsutigut amigartumik, naammaginangitsumik kukkumilluunniit suliassat isumagiariartarsimagaat. Taamaattorli isumaginninnerup iluani suliassat ataasiakkaat tamakkiisumik isigalugit immikkut kisitsisaatinngorlugit nalunaarsorneqarneq ajorput, tamatumani aamma eqqarsaatigalugit isumaginninnerup iluani kukkusumik imaluunniit amigartumik suliassat kivinniarneqartarsimasut eqqarsaatigalugit nakkutilliarterni maluginiarneqartarsimansut.

Nakkutilliarterni nalunaarusiani ataasiakkaani takuneqarsinnaasarput, kommunit isumaginnittoqarfiini suliassat suliassaqrifiillu suut misissuiffigineqartarsimansut. Nalunaarusiani aamma tikkuarneqartarsimapput misissuisarnerit kingunerisaannik kukkusut amigaatilimmilluunniit isumagiariartarsimasut eqqarsaatigalugit suunerinik, aammalu sutigut kommunit siunissamut aaqqiinarnis-saq anguniarlugu iliuuseqaateqartariaqarnersut.

Naalakersuisoqarfiup kommunini nakkutilliarterni suliaasimasut piffissani aalajangersimasuni qaqqileqqittarpei, nalilersuiffigalugillu sutigut nalunaarsuinis-saq ernumanartumillu inissisimasut eqqarsaatigalugit tikkuarneqarsimasut ilumut ilu-arsiviginiarneqarsimansut.

2. Apeqqut 1-imi Naalakersuisut inunnik isumaginninnermut tunngasunik nakkutilliinnermini, suliassat qassit isumaginninnikkut eqqunngitsumik suliarineqarsimasut naammattoorsimavaat ? aamma suliat qanoq agguataarsimappat ?

Apeqqut 1-mi akissutigisagut takukkit.

3. Suliassani qassini Naalakersuisut kommuninut kukkunerit qulaani eqqartorneqartut iluaseqqusaat kommuninit malinneqarsimangillat?

Misilittakkakka naapertorlugit suliassat amerlanersaat eqqarsaatigalugit naalakersuisoqarfinit peqqussutigineqartarsimasut malinneqartarput, tamatumani pineqarlutik kukkusimanagerit naqqiivigineqaqqullugit imaluunniit amigartumik kivinniarneqarsimappata aaqqiissuteqaqqusinerit.

Ilanngullugu ilisimatitsissutigisinnaavara Aningaasanut inatsimmi 2016-mut ukiunilu tulluuttuni missingersuusiorfiusuni tunngatillugu meeqqanut inuusuttuaqqanullu sullissisarnerit annertusakkamik nakkutigineqarnissaanut immikkut aningaasaliisoqarsimammat. Isumaginninnermut oqartussaaffik 1. januar 2016-miit toqqartukanik nakkutilliarforfigineqaannarani sukumiisumik aaqjissuussamillu paasissutis-sanik katersilluni nakkutilliffigineqartarnissaat piviusunngortinneqarsimavoq. Tamatumani suliassat qulit pinngitsoorarik misissuiffigineqartartussaapput, taakkuli ass. meeqqanik inuusuttuaqqanillu sullissinngaaneersuusassapput, taavalu allanit suli-assat akornanni tigusillattaarnikkut nakkutillisoqartassalluni.

Aningaasanut tunngatillugu nakkutilliisarnernut tunngatillugu suliassat ataasiakkaat toqqartorneqartassapput immikkullu misissuiffigeqqissaarneqartassallutik. Tamakkuli ilaatigut aningaasaliissutit naatsorsuutit il.il. misissuiffigineqarnerinut tunngatillugu isumagineqartassallutik. Suliassat aningaasatigut toqqammaviusut pinngikkaluarlugit aamma misissuiffigineqarsinnaasassapput.

Suliassaqarfinnut assigiinngitsunut tunngatillugu nakkutilliartortut misissuiffigisassavaat, ilumut suliassat inatsisit atuuttut toqqammavigalugit aalajangiiffigineqartarsimanersut. Tamatuma saniatigut immikkut isiginiarneqartassallutik siusinnerusukkut nakkutilliartorsimanerni misissuiffigineqarqinnissaanut pissutissaqarfigineqarsorinartut, tamatumali saniatigut nakkutilliartortitat isumaginninnerup iluani piginnaasanik ingerlatsinermilu naammaginatumik piginnaasoqartoqarnissaa siunertalugu ikiorsiisassallutik.

Nakkutilliisarnert sukateriffigineqarnerat ataavartumik ingerlatsiviulissaaq, tamatumuunalu siunertarineqarluni kommunip ingerlatsiveqarfiani naammaginatumik ingerlatsiviuffiunngitsut ajornartorsiuteqarfiusullu iluarsiviginiarneqarnissaat siunertaralugu qulaajaasarnissaaq.

Tamatuma saniatigut Naalackersuisut ilisimaneqartutut meeqqanut inuusuttu-aqqanillu sullissinermi qitiusumik siunnersuisarfik pilersissimavaat, tassangaanniillu suliassat qanoq ingerlanneqarnissaanik kommuninik ilitsersuussinikkut meeqqanut tunngatillugu suliassat eqqortumik sularineqartarnissaannik aqutissiuussisoqartassalluni.

Inussiarnersumik inuulluaqqusillunga

Martha Lund Olsen